



00020

渭南文集目錄

卷第四十六

入蜀記

八月八日起
二十六日止



渭南文集

卷四六目
一

汲古閣

渭南文集卷第四十六目錄

終

渭南文集卷第四十六

入蜀記

八日早由山路至太平興國宮門庭氣象極闊壯正殿爲九天采訪使者像袞冕如帝者舒州灕山靈仙觀祀九天司命真君而采訪使者爲之佐故南唐名靈仙曰丹霞府太平曰通玄府崇奉有自來矣至太宗皇帝時嘗遣中使送泥金絳羅雲鶴帔仍命三年一易神

渭南文集

卷四十六

汲古閣

宗皇帝時又加封應元保運真君及賜塗金殿額兩壁圖十真人本吳生筆建炎中李成何世清二盜以廬山爲巢宮屋焚蕩無餘先是山中有太一宮摹吳筆於殿廡及太平再興復摹取太一本所託非善工無復髣髴於雲無心堂蓋冷翠亭故趾也溪聲如大風雨至使人毛骨寒慄一宮之最勝處也采訪殿前有鍾樓高十許丈三層累磚所成不用

一木而欄楹翬飛雖木工之良者不能加也
但鍾爲塼所揜蔽聲不甚揚亦是一病觀王
胡忠齊云此一樓爲費三萬緡鍾重二萬四
千餘斤又有經藏亦佳扁曰雲章瓊室太平
規模大槩類南昌之玉隆然玉隆不經焚尙
有古趣爲勝也遂至東林太平興龍寺寺正
對香爐峯峯分一支東行自北而西環合四
抱有如城郭東林在其中相地者謂之倒掛

渭南文集

卷四十六

汲古閣

龍格寺門外虎溪本小澗比年甃以塼但若
一溝無復古趣予勸其主僧法才去塼使少
近自然不知能用吾言否食已煑觀音泉啜
茶登華嚴羅漢閣閣與盧舍閣鍾樓鼎峙皆
極天下之壯麗雖閩浙名藍所不能逮遂至
上方五杉閣舍利塢白公草堂上方者自寺
後支徑穿松陰躡石磴而上亦不甚高五杉
閣前舊有老杉五本傳以爲晉時物白傳所

謂大十尺圍者今又數百年其老可知矣近
歲主僧了然輒伐去殊可惜也塿中作如來
示寂像本宋佛馱跋陀尊者自西域持舍利
五粒來葬於此草堂以白公記考之略是故
處三間兩注亦如記所云其他如瀑水蓮池
亦皆在高風逸韻尙可想見白公嘗以文集
畱草堂後屢亡逸真宗皇帝嘗令崇文院寫
校包以斑竹帙送寺建炎中又壞於兵今獨
有姑蘇版本一帙備故事耳草堂之旁又有
一故趾云是王子醇樞密菴基蓋東林爲禪
苑始於王公而照覺禪師常總實第一祖總
公有塑像嚴重英特人也宿東林

渭南文集

卷四十六

汲古閣

九日至晉慧遠法師祠堂及神運殿焚香憩官
廳堂中有耶舍尊者劉遺民等十八人像謂
之十八賢遠公之側又有一人執軍持侍立
謂之辟蛇童子傳云東林故多蛇此童子盡

拾取投之蘄州神運殿本龍潭深不可測一夕鬼神塞之且運良材以作此殿皆不知實否也然神運殿三字唐相裴休書則此說亦久矣官廳重堂邃廡厨廡備設壁間有張文潛題詩寺極大連日遊歷猶不能徧唐碑亦甚多惟顏魯公題名最爲時所傳又有聰明泉在方丈之西卓錫泉在遠公祠堂後皆久廢不汲不可食爲之太息食已游西林乾明

渭南文集

卷四十六

汲古閣

寺西林在東林之西二林之間有小市曰雁門市傳者以爲遠公雁門入老而懷故鄉遂髣髴雁門邑里作此市漢作新豐之比也西林本晉江州刺史陶範捨地建寺紹興十五年間方爲禪居褊小非東林比又絕弊壞至僧仁聰闖入方漸興葺然流泉泠泠環遶庭際殊有野趣正殿釋迦像著寶冠他處未見僧云唐塑也殿側有慧永法師祠堂永公

蓋遠公之兄像下一虎偃伏又有一居士立
侍不知何人方丈後有塼檜不甚高制度古
朴予登二級而止東廂有小閣曰待賢蓋往
時館客之地今亦頽弊東西林寺舊額皆牛
奇章八分書筆力極渾厚西林亦有顏魯公
題名書家以爲二林題名顏書之冠冕也舊
聞廬山天池塼檜初成有僧施經二匣未幾
檜震一角經亦失所在是日因登望以問僧

渭南文集

卷四十六
五

汲古閣

僧云誠然或謂經乃刺血書故致此異又云
今年天池火尺椽不遺蓋旁埜火所及也晚
復取太平宮路還江州小憩於新亭距州二
十五里過董真人煉丹井汲飲味亦佳董真
人者奉也

十日史志道餉谷簾水數器真絕品也甘腴清
冷具備衆筭前輩或斥水产品以爲不可信水
品固不必盡當然谷簾卓然非惠山所及則

亦不可誣也水在廬山景德觀晚別諸人連
夕在山中極寒可擁爐比還舟秋暑殊未艾
終日揮扇

十一日解舟吳發幹約待冀州書因小畱江口
望廬山自到江州至是凡十日皆晴秋高氣
清長空無纖雲甚宜登覽亦客中可喜事也
泊赤沙湖口東北望猶見廬山老杜潭州道

林詩云殿腳插入赤沙湖此湖當在湖南然

渭南文集

卷四十六

汲古閣

岳州華容縣及此皆有赤沙湖蓋江湖間地
名多同猶赤壁也

十二日江中見物有雙角遠望正如小犢出沒
水中有聲晚泊艣臍狀隔江大山中有火兩
點若燈開闔久之問舟人皆不能知或云蛟
龍之目或云靈芝丹藥光氣不可得而詳也

十三日至富池昭勇廟以壺酒特豕謁昭毅武
惠遺愛靈顯王神神吳大帝時折衝將軍甘

興霸也興霸嘗爲西陵太守故廟食於此開
寶中旣平江南增江淮神祠封爵始封襄國
公宣和中進爵爲王建炎中大盜張遇號一
窩蜂擁兵過廟下相率上蛟一蛟騰空中不
下一蛟躍出戶外羣盜惶恐引去未幾遂敗
大將劉光世以聞復詔加封岳飛爲宣撫使
大葺祠宇江上神祠皆不及也門起大樓曰
卷雪有釘洲正對廟故廟雖俯大江而可泊

渭南文集

卷四十六
七

汲古閣

舟釘洲者以銳下得名神妃封順祐夫人神
二子封紹威紹靈侯神女封柔懿夫人皆有
像而後殿復有王與妃像偶坐祭享之盛以
夜繼日廟祝歲輸官錢千二百緡則神之靈
可知也舟人云若精虔致禱則神能分風以
應往來之舟廡下有關雲長像雲長不應祀
於興霸之廟者豈各忠所事神靈共食皆可
以無媿邪徹奠自祠後步至旌教寺寺爲酒

務及酒官廨像設斂置一屋盡逐去僧輩亦
事之已甚者富池蓋隸興國軍

十四日曉雨過一小石山自頂直削去半與餘
姚江濱之蜀山絕相類拋大江遇一木棧廣
十餘丈長五十餘丈上有三四十家妻子雞
犬臼碓皆具中爲阡陌相往來亦有神祠素
所未覩也舟人云此尙其小者耳大者於棧
上鋪土作蔬圃或作酒肆皆不復能入夾但

渭南文集

卷四十六

汲古閣

行大江而已是日逆風挽船自平旦至日昃
纔行十五六里泊劉官磯旁蘄州界也兒輩
登岸歸云得小徑至山後有陂湖渺然蓮芰
甚富泂湖多木芙蓉數家夕陽中蘆藩茅舍
宛有幽致而寂然無人聲有大梨欲買之不
可得湖中小艇采菱呼之亦不應更欲窮之
會見道旁設機疑有虎狼遂不敢往劉官磯
者傳云漢照烈入吳嘗檣舟於此晚觀大黿

浮沉水中

十五日微陰西風益勁挽船尤難自富池以西
沿江之南皆大山起伏如濤頭山麓時有居
民往往作棚持弓矢伏其上以伺虎過龍眼
磯江中拳石耳磯旁山上有龍祠晡後得便
風次蘄口鎮居民繁鎔蜀舟泊岸下甚衆監
稅秉義郎高世棟來舊在京口識之言此鎮
歲課十五萬緡雁翅歲課二十六萬緡夜與
渭南文集

卷四十六
九

汲古閣

諸子登岸臨大江觀月江面遠與天接月影
入水蕩搖不定正如金虬動心駭目之觀也
是日買熟藥於蘄口市藥貼中皆有煎煮所
須如薄荷烏梅之類此等皆客中不可倉卒
求者藥肆用心如此亦可嘉也

十六日過新野夾有石瀨茂林始聞秋鶯沙際
水牛至多往往數十爲羣吳中所無也地屬
興國軍大冶縣當是土產所宜爾晚過道士

磯石壁數百尺色正青了無竅穴而竹樹迸
根交絡其上蒼翠可愛自過小孤臨江峰嶂
無出其右磯一名西塞山卽玄真子漁父辭
所謂西塞山前白鷺飛者李太白送弟之江
東云西塞當中路南風欲進船必在荆楚作
故有中路之句張文潛云危磯插江生石色
擘青玉殆爲此山寫真又云已逢娥媚散花
峽不泊蘿危道士磯蓋江行惟馬當及西塞
秋也

渭南文集

卷四十六

汲古閣

最爲湍險難上拋江泊散花洲洲與西塞相
直前一夕月猶未極圓蓋望正在是夕空江
萬頃月如紫金盤自水中涌出平生無此中
十七日過回風磯無大山蓋江濱石磧耳然水
急浪湧舟過甚艱過蘭溪東坡先生所謂山
下蘭芽短浸谿者買鹿肉供膳晚泊巴河口
距黃州二十里一市聚也有馬祈寺吳大帝

刑馬壇傳云吳攻壽春刑白馬祭江神於此
自蘭谿而西江面尤廣山阜平遠兩日皆逆
風舟人以食盡欲來巴河糴米極力牽挽日
皆行八九十里蘇黃門謫高安東坡先生送
至巴河卽此地也張文潛亦有巴河道中詩
云東南地缺天連水春夏風高浪捲山

十八日食時方行晡時至黃州州最僻陋少事
杜牧之所謂平生睡足處雲夢澤南州然自

涓南文集

卷四十六
十一

汲古閣

牧之王元之出守又東坡先生張文潛謫居
遂爲名邦泊臨臯亭東坡先生所嘗寓與秦
少游書所謂門外數步卽大江是也煙波渺
然氣象疎豁見知州右朝奉郎直祕閣楊由
義通判右奉議郎陳紹復州治陋甚廳事僅
可容數客倅居差勝晚移舟竹園步蓋臨臯
多風濤不可夜泊也黃州與樊口正相對東
坡所謂武昌樊口幽絕處也漢昭烈用吳魯

子敬策自當陽進住鄂縣之樊口卽此地也
十九日早游東坡自州門而東岡壟高下至東
坡則地勢平曠開豁東起一壟頗高有屋三
間一龜頭曰居士亭亭下面南一堂頗雄四
壁皆畫雪堂中有蘇公像烏帽紫裘橫按筇
杖是爲雪堂東大柳傳以爲公手植正南
有橋榜曰小橋以莫忘小橋流水之句得名
其下初無渠澗遇雨則有涓流耳舊止片石

渭南文集

卷四十六
十一

汲古閣

布其上近輒增廣爲木橋覆以一屋頗敗人
意東一井曰暗井取蘇公詩中走報暗井出
之句泉寒熨齒但不甚甘又有四望亭正與
雪堂相直在高阜上覽觀江山爲一郡之最
亭名見蘇公及張文潛集中坡西竹林古氏
故物號南坡今已殘伐無幾地亦不在古氏
矣出城五里至安國寺亦蘇公所嘗寓兵火
之餘無復遺迹惟遶寺茂林啼鳥似猶有當

時氣象也郡集於樓霞樓本太守閭丘孝終
公顯所作蘇公樂府云小舟橫截春江臥看
翠壁紅樓起正謂此樓也下臨大江煙樹微
茫遠山數點亦佳處也樓頗華潔先是郡有
慶瑞堂謂一故相所生之地後毀以新此樓
酒味殊惡蘇公齋湯蜜汁之戲不虛發郡人
何斯舉詩亦云終年飲惡酒誰敢憎督郵然
文潛乃極稱黃州酒以爲自京師之外無過

渭南文集

卷四十六
十三

汲古閣

者故其詩云我初謫官時帝問司酒神曰此
好飲徒聊給酒養真去國一千里齊安酒最
醇失火而得雨仰戴天公仁豈文潛謫黃時
適有佳匠乎循小徑繚州宅之後至竹樓規
模甚陋不知當王元之時亦止此邪樓下稍
東卽赤壁磯亦茆岡尔略無草木故韓子蒼
待制詩云豈有危巢與栖鶻亦無陳迹但飛
鷗此磯圖經及傳者皆以爲周公瑾敗曹操

之地然江上多此名不可考質李太白赤壁
歌云烈火張天照雲海周瑜於此敗曹公不
指言在黃州蘇公尤疑之賦云此非曹孟德
之困於周郎者乎樂府云故壘西邊人道是
當日周郎赤壁蓋一字不輕下如此至韓子
蒼云此地能令阿瞞走則真指爲公瑾之赤
壁矣又黃人實謂赤壁曰赤鼻尤可疑也晚
復移舟菜園步又遠竹園三四里蓋黃州臨

涇南文集

卷四十六
十四

汲古閣

大江了無港澳可泊或云舊有澳郡官厭過
客故塞之

二十日曉離黃州江平無風挽船正自赤壁磯
下過多奇石五色錯雜粲然可愛東坡先生
怪石供是也挽行十四五里江面始稍狹隔
江岡阜延袤竹樹葱蒨漁家相映幽邃可愛
復出大江過三江口極望無際泊戚磯港

二十一日過雙柳夾回望江上遠山重複深秀

自離黃雖行夾中亦皆曠遠地形漸高多種
菽粟蕎麥之屬晚泊楊羅汊大隄高柳居民
稠衆魚賤如土百錢可飽二十口又皆巨魚
欲覓小魚飼猫不可得

二十二日平旦微雨過青山磯多碎石及淺灘
晚泊白楊夾口距鄂州三十里陸行止十餘
里居民及泊舟甚多然大抵皆軍人也

二十三日便風掛帆自十四日至是始得風食

渭南文集

卷四十六
十五

汲古閣

一時至鄂州泊稅務亭賈船客舫不可勝計銜
尾不絕者數里自京口以西皆不及李太白
贈江夏韋太守詩云萬舸此中來連帆過揚
州蓋此郡自唐爲衝要之地夔州逐兵來參
見知州右朝奉郎張郊之彥轉運判官右朝
奉大夫謝師稷市邑雄富列肆繁鎔城外南
市亦數里雖錢塘建康不能過隱然一大都
會也吳所都武昌乃今武昌縣此州在吳名

夏口亦要害故周公瑾求以精兵進住夏口而晉武帝亦詔王濬唐彬既定巴丘與胡奮王戎吳平夏口武昌順流長驚也自江州至此七百里泝流雖曰得便風亦須三四日韓文公云益城去鄂渚風便一日耳過矣蓋退之未嘗行此路也

二十四日早謝漕招食於漕園光華堂依山亭館十餘不甚葺晚郡集於奇章堂以唐牛思

渭南文集

卷四十六
十六

汲古閣

黯嘗爲武昌節度使也

二十五日觀大軍教習水戰大艦七百艘皆長二三丈上設城壁樓櫓旗幟精矚金鼓鞞鞞破巨浪往來捷如飛翔觀者數萬人實天下之壯觀也

二十六日與統紆同遊頭陀寺寺在州城之東隅石城山山繚繞如伏蛇自西亘東因其上爲城缺壞僅存州治及漕司皆依此山寺毀

於兵火汴僧舜廣住持三十年興葺略備自
方丈西北躡支徑至絕頂舊有奇章亭今已
廢四顧江山井邑靡有遺者李太白江夏贈
韋南陵詩云頭陀雲外多僧氣正謂此寺也
黃魯直亦云頭陀全盛時宮殿梯空級藏殿
後有南齊王簡棲碑唐開元六年建蘇州刺
史張庭圭溫玉書韓熙載撰碑陰徐鉉題額
最後云唐歲在己巳武昌軍節度觀察畱後

渭南文集

卷四十六
十七

汲古閣

知軍州事楊守忠重立前鄂州唐年縣主簿
祕書省正字韓夔書碑陰云乃命猶子夔正
其舊本而刊寫之以是知夔爲熙載兄弟之
子也碑字前後一手又作溫字不全蓋南唐
尊徐溫爲義祖而避其名則此碑蓋夔重書
也碑陰又云皇上鼎新文物教被華夷如來
妙旨悉已徧窮百代文章固不備舉故是寺
之碑不言而與按此碑立於己巳歲當皇朝

之開寶二年南唐危感曰甚距其亡六年爾
熙載大臣不以覆亡爲懼方且言其主鼎新
文物教被華夷固已可怪又以窮佛旨舉遺
文及興是碑爲盛誇誕妄謬真可爲後世發
笑然熙載死李王猶恨不及相之君臣之惑
如此雖欲久存得乎唐制節度使不在鎮而
以副大使或畱後居任則云知節度事此云
知軍州事蓋漸變也唐年縣本故唐時名梁

渭南文集

卷四十六
十八

汲古閣

改曰臨夏後唐復晉又改臨江然歷五代鄂
州未嘗屬中原皆遙改耳故此碑開寶中建
而猶曰唐年也至江南平始改崇陽云簡棲
爲此碑駢儷卑弱初無過人世徒以載於文
選故貴之耳自漢魏之間駸駸爲此體極於
齊梁而唐尤貴之天下一律至韓吏部柳柳
州大變文格學者翕然慕從然駢儷之作終
亦不衰故熙載錯號江左辭宗而拳拳於簡

渭樓之碑如此本朝楊劉之文擅天下傳夷狄亦駢儷也及歐陽公起然後掃蕩無餘後進之士雖有工拙要皆近古如此碑者今人讀不能終篇已坐睡矣而況効之乎則歐陽氏之功可謂大矣若魯直云唯有簡棲碑文章歸然立蓋戲也

渭南文集

卷四十六
十九

汲古閣

亦謂之也父旭景公也然與景無翁翁也
對之駁也本碑懸隆之文獻天下軒輊也

渭南文集目錄

卷第四十七

入蜀記

八月二十七日
起十月五日止

渭南文集

卷四十七

汲古閣

渭南文集卷第四十七目錄

終

渭南文集卷第四十七

入蜀記

二十七日郡集於南樓在儀門之南石城上一
曰黃鶴山制度閎偉登望尤勝鄂州樓觀爲
多而此獨得江山之要會山谷所謂江東湖
北行畫圖鄂州南樓天下無是也下闕南湖
二荷葉彌望中爲橋曰廣平其上皆列肆兩旁
有水閣極佳但以賣酒不可往山谷云凭欄

渭南文集

卷四十七

汲古閣

十里芰荷香謂南湖也是日早微雨晚晴

二十八日同章冠之秀才甫登石鏡亭訪黃鶴

樓故址石鏡亭者石城山一隅正枕大江其
西與漢陽相對止隔一水人物草木可數唐

沔州治漢陽縣故李太白沔州泛城南郎官

湖詩序云白遷於夜郎遇故人尚書郎張謂

出使夏口沔州牧杜公漢陽令王公觴於江

城之南湖其後沔州廢漢陽以縣隸鄂州周

世宗平淮南得其地復以爲軍太白詩云誰道此水廣狹如一疋練江夏黃鶴樓青山漢陽縣大語猶可聞故人難可見形容最妙黃魯直宵征江夏縣睡起漢陽城亦此意老杜有公安送李晉肅入蜀余下沔鄂及登舟將適漢陽詩而卒於朶水可恨也漢陽負山帶江其南小山有僧寺者大別山也又有小別謂之二別云黃鶴樓舊傳費禕飛升於此後

渭南文集

卷四十七

汲古閣

忽察黃鶴來歸故以名樓號爲天下絕景崔灑詩最傳而太白奇句得於此者尤多今樓已廢故址亦不復存問老吏云在石鏡亭南樓之間正對鸚鵡洲猶可想見其地樓榜李監篆石刻獨存太白登此樓送孟浩然詩云孤帆遠映碧山盡惟見長江天際流蓋帆檣映遠山尤可觀非江行久不能知也復與冠之出漢陽門遊仙洞止是石壁數尺皆直裂

無洞穴之狀舊傳有仙人隱其中嘗啓洞出
游老兵遇之得黃金數餅後化爲石東坡先
生有詩紀其事初不云所遇何人且太白固
已云頗聞列仙人於此學飛術一朝向蓬海
千載空石室今鄂人謂之呂公洞蓋流俗附
會也有道人澶州人結廬洞側設呂公像其
中洞少南卽石鏡山麓麤頑石也色黃赤皴
駁了不能鑑物可謂浪得名者由江濱堤上

渭南文集

卷四十七

汲古閣

還船民居市肆數里不絕其間復有巷陌往
來憧憧如織蓋四方商賈所集而蜀人爲多
二十九日早有廣漢僧世全左縣僧了證來附
從人舟日昃移舟江口回望堤上樓閣重複
燈火歌呼夜分乃已招醫趙隨爲靈照視脉
三十日犁明離鄂州便風掛帆沿鸚鵡洲南行
洲上有茂林神祠遠望如小山洲蓋禰正平
被殺處故太白詩云至今芳洲上蘭蕙不敢

生梁王僧辯擊邵陵王綸軍至鸚鵡洲卽此
地也自此以南爲漢水禹貢所謂嶓冢導漾
東流爲漢者水色澄澈可鑑太白云楚水清
若空蓋言此也過謝家磯金雞洲磯不甚高
而石皆橫裂如累層覺得縮項鱸魚重十斤
狀中有聚落如小縣出鱖魚居民率以賣鮓
爲業晚泊通濟口自此入沌沌讀如篆字書
云水名在江夏過九月則沌涸不可行必由

渭南文集

卷四十七
四

汲古閣

巴陵至荆渚

九月一日始入沌實江中小夾也過新潭有龍
祠甚蕪潔自是遂無復居人兩岸皆葭葦彌
望謂之百里荒又無挽路舟人以小舟引百
丈入夜財行四十五里泊葭葦中平時行舟
多於此遇盜通濟巡檢持兵來警邏不寐達

旦

二日東岸葦稍薄缺時見大江渺瀰蓋巴陵路

也晡時次下郡始有二十餘家皆業漁釣蘆
藩茅屋宛有幽致魚尤不論錢自此始復有
挽路登舟背望竟陵遠山泊白白有莊居數
家門外皆古柳侵雲

二日自入沌食無菜是日始得菘及蘆服然不
肯斲根皆刈葉而已過八疊汆口皆有民居
晚泊歸子保亦有十餘家多桑柘榆柳

四日平旦始解舟舟人云自此陂澤深阻虎狼
渭南文集

卷四十七
五

汲古閣

出沒未明而行則挽卒多爲所害是日早見
舟人焚香祈神云告紅頭須小使頭長年三
老莫令鐙呼鐙喚問何謂長年三老云梢工
是也長讀如長幼之長乃知老杜長年三老
長歌裏白晝攤錢高浪中之語蓋如此因問
何謂攤錢云博也按梁冀能意錢之戲注云
卽攤錢也則攤錢之爲博亦信矣過綱步有
二十餘家在夕陽高柳中短籬晒罾小艇往

來正如畫圖所見沌中之最佳處也泊畢家
池地勢爽塏居民頗衆有一二家雖茆茨結
廬而窗戶整潔藩籬堅壯舍傍有果園甚盛
蓋亦一聚之雄也與諸子及二僧步登岸遊
廣福永固寺闐然無一人東偏白雲軒前橙
方結實雖小而極香相與烹茶破橙抵莫乃
還舟中畢家池蓋屬復州玉沙縣滄浪鄉云

五日泊紫谿

渭南文集

卷四十七

汲古閣

六日過東場並水皆茂竹高林隄淨如掃雞犬
閑暇鳧鴨浮沒人往來林樾間亦有臨渡喚
船者使人恍然如造異境舟人云皆村豪園
廬也泊雞鳴

七日泊湛江

七

卷四十七

汲古閣

八日早次江陵之建寧鎮蓋沌口也晉王澄棄
荊州別駕郭舒不肯從澄東下乃畱屯沌口
陳侯安都討王琳至沌口皆此地也阻風大

魚浮水中無數凡行沌中七日自是泛江入石首縣界夜觀隔江燒蘆場煙焰亘天如火十城光照舟中皆赤

九日早謁后土祠道旁民屋苦茆皆厚尺餘整潔無一枝亂挂帆拋江行三十里泊塢子磯濱大山也自離鄂州至是始見山買竿置而盡求菊花於江上人家得數枝芬馥可愛

渭南文集

卷四十七

汲古閣

爲之頽然徑醉夜雨極寒始覆絮衾

十日阻風雨遣小舟橫絕江面至對岸買肉食得大魚之半又得一鳥牡雞不忍殺畜於舟中俄有村翁持茭萌一束來餉不肯受直遣人先之夔晚晴開船窗觀月

十一日舟行望西南一角水與天接舟人云是爲潛軍港古嘗潛軍伺敵於此遙見港中有兩點正黑疑其遠樹則下不屬地久之漸近

可辨盜二千五百斛大舟也又有水禽雙浮
江中色白類鵝而大楚人謂之天鵝飛騫絕
高有弋得者味甚美或曰卽鵠也泊三江口
水淺舟行甚艱自此遂不復有山太白詩山
隨平野盡江入大荒流蓋荆渚所作也

十二曰過石首縣不入石首自唐始爲縣在龍
蓋山之麓下臨漢水亦形勝之地杜子美有
送石首薛明府詩卽此邑也泊藕池

渭南文集

卷四十七

汲古閣

十三曰泊柳子夜過全證二僧舟中聽誦梵語
般若心經此經惟蜀僧能誦

十四曰次公安古所謂油口也漢昭烈駐軍始
更今名規模氣象甚壯兵火之後民居多茆
竹然茆屋尤精緻可愛井邑亦頗繁富米斗
六七十錢知縣右儒林郎周謙孫來湖州人
遊二聖報恩光孝禪寺二聖謂青葉髻如來
婁至德如來也皆示鬼神力士之形高二丈

餘陰威凜然可畏正殿中爲釋迦右爲青葉
髻號大聖左爲婁至德號二聖三像皆南面
予按藏經駒字函安羅浮殊童子成道爲青
葉髻如來青葉髻如來再出世爲樓至如來
則二如來本一身耳有碑言邑人一夕同夢
二神人言我青葉髻婁至德如來也有二巨
木在江干我所運者俟郵行者來令刻爲我
像已而果有人自稱郵行者又善肖像邑人

渭南文集

卷四十七
九

汲古閣

欣然請之像成人皆謂酷類所夢然碑無年
月不知何代也長老祖珠南平軍人寺後有
廢城髣髴尚存圖經謂之呂蒙城然老杜乃
曰地曠呂蒙營江深劉備城蓋玄德子明皆
屯於此也老杜曉發公安詩注云數月憩息
此縣按公移居公安詩云水煙通徑草秋露
接園葵而畱別公安太易沙門詩云沙村白
雪仍含凍江縣紅梅已放春則是以秋至此

縣算冬始去其曰數月憩息蓋爲此也泊弭
節亭馴鷗低飛往來竟曰不去

十五日周令說縣本在近北枕漢水沙虛岸摧
漸徙而南今江流乃管市邑也又云縣有五
鄉然莫不及二千戶地曠民寡如此民耕尤
苦隄防數壞歲歲增築不止晚攜家再遊二
聖寺衆寮有維摩刻木像甚佳云沙市工人
所爲也方丈西有竹軒頗佳珠老說五祖法

渭南文集

卷四十七

汲古閣

演禪師初住四面山子然獨處凡二年始有
一道士來問道乃請作知事又三年僧寶良
來與道士朝夕叅叩皆得法於是演公之道
寢爲人知而四方學者始稍有至者雖其後
門人之盛稱天下然終身不過數十衆珠聞
此於其師也菴顏禪師荊州絕無禪林惟二
聖而已然蜀僧出關必走江浙回者又已自
謂有得不復參叩故語云下江者疾走如煙

上江者鼻孔撩天徒勞他二佛打供了不見
一僧坐禪

十六日過白湖渺然無津拋江至升子舖有天
鵝數百翔泳水際日入泊沙市自公安至此
六十里自此至荆南陸行十里舟不復進矣
老杜詩云買薪猶白帝鳴鷓已沙頭劉夢得
云沙頭檣干上始見春江濶皆謂此也

十七日日入後遷行李過嘉州趙青船蓋入峽
渭南文集

卷四十七
十一

汲古閣

船也沙市堤上居者大抵皆蜀人不然則與
蜀人爲婚姻者也

十八日見知府資政殿學士劉恭父瑛通判右
奉議郎權嗣衍左宣教郎陳孺荆南圖經以
爲楚之郢都梁元帝亦嘗都焉唐爲江陵府
荆南節度今因之然牧守署銜但云知荆南
軍府與永興河陽正同初無意義但沿舊而

已

十九日郡集於新橋馬監監在西門外四十里
自出城卽黃茅彌望每十餘里有村疇數家
而已道遇數十騎縱獵獲狐兔皆繫鞍上割
鮮齎艸而飲云襄陽軍人也是日極寒如窮
冬土人云此月初已嘗有雪

二十日倒檣竿立艣牀蓋上峽惟用艣及百丈
不復張帆矣百丈以巨竹四破爲之大如人
臂予所察千六百斛舟凡用艣六枝百丈兩

渭南文集

卷四十七
十二

汲古閣

車

二十一日劉帥丁內艱分逐兵之半負肩輿自
山路先歸夔州是日重霧四塞

二十二日五鼓赴能仁院建會慶節道場中夜
後舟人祀峽神屠一豨

二十三日奠劉帥母安定郡太夫人卓氏劉帥
受吊禮與吳人同

二十四日見左朝奉郎湖北安撫司主管機宜

文字牛達可右奉議郎安撫司幹辦公事湯
衡右朝奉郎安撫同幹辦公事趙蘊

二十五日右文林郎知歸州興山縣高祁來

二十六日修船始畢骨肉入新船祭江瀆廟用

壺酒特豕廟在沙市之東三四里神曰昭靈
孚應威惠廣源王蓋四瀆之一最爲典祀之

正者然兩廡淫祠尤多蓋荆楚舊俗也司法
參軍右迪功郎王師點錄其叔祖君儀待制

渭南文集

卷四十七
十三

汲古閣

訟卦講義來君儀嚴州人師事先大父精於
易然遺書不傳講義止存一篇而已然亦其
少作也

二十七日解舟擊鼓鳴艫舟人皆大噪擁堤觀

者如堵牆泊新河口距沙市三四里蓋蜀人
修船處

二十八日泊方城有嘉州人王百一者初應募

爲船之招頭招頭蓋三老之長顧直差厚每

祭神得胙肉倍衆人旣而船戶趙清改用所
善程小八爲招頭百一失職怏怏又不決去
遂發狂赴水予急遣人拯之流一里餘三沒
三踊僅得出一招頭得喪能使人至死沉大
於此者乎

二十九日阻風

十月一日過瓜洲壩倉頭百里洲泊沱澧皆聚
落竹樹鬱然民居相望亦有村夫子聚徒教

渭南文集

卷四十七
十四

汲古閣

授羣童見船過皆挾書出觀亦有誦書不輟
者沱江別名詩江有沱禹貢岷山導江東別
爲沱是也澧則爾雅所謂春秋夏有水冬無
水曰澧也

二日泊桂林灣全證二僧陸行來云沿路民居
大抵多四方人土著財十一也舟人殺猪十
餘口祭神謂之開頭

三日舟人分胙行差晚與兒輩登隄觀蜀江乃

知李太白荆門望蜀江詩江色綠且明爲善
狀物也自離塿子磯至是始望見巴山山在
松滋縣泊灌子口蓋松滋枝江兩邑之間松
滋晉縣自此入蜀江枝江唐縣古羅國也江
陵九十九洲在焉晉柳約之羅述甄季之聞
桓玄死自白帝至枝江卽此地也歐陽文忠
公有杖江山行五言二十四韻蓋文忠赴夷
陵時自此陸行至峽州故其望州坡詩云崎

渭南文集

卷四十七
十五

汲古閣

嶇幾日山行倦却喜坡頭見峽州灌子口一
名松滋渡劉賓客有詩云巴人淚應猿聲落
蜀客船從鳥道回

四日過楊木寨蓋松滋有四寨曰楊木車羊高
平稅家云泊龍灣

五日過白羊市蓋峽州宜都縣境上宜都唐縣
也謁張文忠公天覺墓殘伐墓木橫道幾不
可行天覺之子直龍圖閣茂已卒二孫一有

官病狂易一白丁也初作墓江濱已而不果
葬改塋山間今墓是也而舊墓亦不復毀啓
隧道出入中可容數十人坐有道人結屋其
旁守之道人出一石刻艸書云莫將外物尋
奇寶須問眞師決汞鉛寄八瓊張子高鍾離
權始自王屋遊都下弟子浮玉山人來乞此
字今又將西還丹元子再請書卷之末紹聖
元年仲冬望日權卽世所謂鍾離先生子高

渭南文集

卷四十七
十六

汲古閣

卽天覺丹元子卽東坡先生與之醜倡者後
有魏泰道輔跋云天覺修黃籙醮法成浮玉
山人謂之曰上天錄公之功爲須彌山八瓊
洞至宜刻印謝帝而佩之天覺不以爲信故
浮玉又出鍾離公書爲證後丹元子又爲天
覺求書卷末又有徐注者跋云天覺舟過眞
州方出謁有布衣幅巾者徑入舟中索筆大
書閑人呂洞賓來謁張天覺十字擲筆卽去

而天覺適歸墨猶未乾注眞州人云親見之
墳前碑樓壁間有詩一篇云秋風十驛望台
星想見冰壺照坐清霖雨已回公旦駕挽鬚
聊聽野王箏三朝元老心方壯四海蒼生耳
已傾白髮故人來一別却歸林下看昇平蓋
魏道輔贈天覺詩後人所題者唐立夫舍人
亦有一詩末句云無碑堪墮淚著句與招魂
宜都知縣右文林郎呂大辨來泊赤崖

渭南文集

卷四十七
十七

汲古閣

柳塘傳王...
皇懸具米壺頭坐靄霖雨已回公旦駕挽鬚
覺前聊懸壁間有詩一篇云秋風十驛望台
而天覺適歸墨猶未乾注眞州人云親見之

渭南文集目錄

卷第四十八

入蜀記

十月六日起
二十七日止

渭南文集

卷四十八目

汲古閣

渭南文集卷第四十八目錄

終

渭南文集卷第四十八

入蜀記

六日過荆門十二碛皆高崖絕壁嶄巖突兀則
峽中之嶮可知矣過碛望五龍及雞籠山差
峩正如夏雲之奇峯荆門者當以險固得名
碛上有石穴正方高可通人俗謂之荆門則
妄也晚至峽州泊至喜亭下峽州在唐爲硤
州後改峽而印文則爲陝州元豐中郎官何

渭南文集

卷四十八

汲古閣

洵直建言陝與陝相亂請改鑄印文從山事
下少府監而監丞歐陽發言湖北之陝州從

阜從夾

夾從
兩入

陝西之陝州從阜從夾

夾從
兩入

偏

旁不同本不相亂恐四方謂少府監官皆不
識字當時朝士之議皆是發而卒從洵直言
改鑄云至喜亭記歐陽公撰黃魯直書

七日見知州右朝奉大夫葉安行字履道以小

舟遊西山甘泉寺竹橋石磴甚有幽趣有靜

練洗心二亭下臨江山頗疎豁法堂之右小徑數十步至一泉曰孝婦泉謂姜詩妻龐氏也泉上亦有龐氏祠然歐陽文忠公不以爲信故其詩曰叢祠已廢姜祠在事迹難尋楚語訛又此篇首章云江上孤峯蔽綠蘿初讀之但謂孤峯蒙藤蘿耳及至此乃知山下爲綠蘿谿也又至漢景帝廟及東山寺景帝不知何以有廟於此歐陽公爲令時有祈雨文

渭南文集

卷四十八

汲古閣

在集中東山寺亦見歐陽公詩距望京門五里寺外一亭臨小池有山如屏環之頗佳亭前冬青及柏皆百餘年物遂至夷陵縣令見縣左從政郎胡振廳事東至喜堂郡守朱虞部爲歐陽公所築者已焚壞柱礎尙存規模頗雄深又東則祠堂亦簡陋肖像殊不類可歎聽事前一井相傳爲歐陽公所浚水極甘寒爲一郡之冠井旁一榘合抱亦傳爲公手

植晚郡集於楚塞樓遍歷爾雅臺錦障亭亭
前海棠二本亦百年物爾雅臺者圖經以爲
郭景純註爾雅於此又有絳雪亭取歐陽公
千葉紅梨詩而紅梨已不存矣

八日五鼓盡解船過下牢關夾江千峰萬嶂有
競起者有獨拔者有崩欲壓者有危欲墜者
有橫裂者有直坼者有凸者有窪者有罅者
奇怪不可盡狀初冬草木皆青蒼不彫西望

涪南文集

卷四十八

汲古閣

重山如闕江出其間則所謂下牢谿也歐陽
文忠公有下牢津詩云入峽山漸曲轉灘山
更多卽此也繫船與諸子及證師登三游洞
躡石磴二里其險處不可著脚洞大如三間
屋有一穴通人過然陰黑峻險尤可畏繚山
腹偃僂自巖下至洞前差可行然下臨溪潭
石壁十餘丈水聲恐人又一穴後有壁可居
鍾乳歲久垂地若柱正當穴門上有刻云黃

大臨弟庭堅同辛紘子大方紹聖二年二月
辛亥來遊旁石壁上刻云景祐四年七月十
日夷陵歐陽永叔下缺一字又云判官丁下
又缺數字丁者寶臣也字元珍今丁字下二
字亦髣髴可見殊不類元珍字又永叔但曰
夷陵不稱令洞外溪上又有一崩石偃仆刻
云黃庭堅弟叔向子相姪檄同道人唐履來
游觀辛亥舊題如夢中事也建中靖國元年

渭南文集

卷四十八
四

汲古閣

三月庚寅按魯直初謫黔南以紹聖二年過
此歲在乙亥今云辛亥者誤也泊石牌峽石
穴中有石如老翁持魚竿狀略無少異

九日微雪過扇子峽重山相掩政如屏風扇疑
以此得名登蝦蟆碕作品所載第四泉是也
蝦蟆在山麓臨江頭鼻吻頷絕類而背脊炮
處尤逼真造物之巧有如此者自背上深入
得一洞穴石色綠潤泉泠泠有聲自洞出垂

蝦蟆口鼻間成水簾入江是日極寒巖嶺有積雪而洞中溫然如春碕洞相對稍西有一峯孤起侵雲名天柱峰自此山勢稍平然江岸皆大石堆積彌望正如濬渠積土狀晚次黃牛廟山復高峻村人來賣茶菜者甚衆其中亦有婦人皆以青斑布帕首然頗白皙語音亦頗正茶則皆如柴枝草葉苦不可入口廟靈感神封嘉應保安侯皆紹興以來制書也

渭南文集

卷四十八
五

汲古閣

其下卽無義灘亂石塞中流望之可畏然舟過乃不甚覺蓋操舟之妙也傳云神佐夏禹治水有功故食於此門左右各一石馬頗卑小以小屋覆之其右馬無左耳蓋歐陽公所見也廟後叢木似冬青而非莫能名者落葉有黑文類符篆葉葉不同兒輩亦求得數葉歐詩刻石廟中又有張文忠一贊其詞曰壯哉黃牛有大神力輦聚巨石百千萬億劔戟

齒牙礪碗江側壅激波濤險不可測威脅舟
人駭怖失色剗羊醜洒千載廟食張公之意
似謂神聚石壅流以脅人求祭饗使神之用
心果如此豈能巍然廟食千載乎蓋過論也
夜舟人來告請無擊更鼓云廟後山中多虎
聞鼓則出

十日早以特豕壺酒祭靈感廟遂行過鹿角虎
頭史君諸灘水縮已三之二然湍險猶可畏

渭南文集

卷四十八
六

汲古閣

泊城下歸州秭歸縣界也與兒曹步沙上回
望正見黃牛峽廟後山如屏風疊峩插天

第四疊上有若牛狀其色赤黃前有一人如
著帽立者昨日及今早雲冒山頂至是始見

之因至白沙市慈濟院見主僧志堅問地名
城下之由云院後有楚故城今尙在因相與
訪之城在一岡阜上甚小南北有門前臨江
水對黃牛峽城西北一山蜿蜒回抱山上有

伍子胥廟大抵自荆以西子胥廟至多城下
多巧石如靈壁湖口之類

十一日過達洞灘灘惡與骨肉皆棄轎陸行過
灘灘際多奇石五色粲然可愛亦或有文成
物象及符書者猶見黃牛峽廟後山太白詩
云三朝上黃牛三算行太遲三朝又三算不
覺鬢成絲歐陽公云朝朝算算見黃牛徒使
行人過此愁山高更遠望猶見不是黃牛滯

渭南文集

卷四十八
七

汲古閣

客舟蓋諺謂朝見黃牛暮見黃牛一朝一暮
黃牛如故故二公皆及之歐陽公自荆渚赴
夷陵而有下牢三游及蝦蟆碚黃牛廟詩者
蓋在官時來游也故憶夷陵山詩云憶嘗祇
吏役鉅細悉經觀其後又云荒煙下牢戍百
仞塞溪漱蝦蟆噴水簾甘液勝飲酎亦嘗到
黃牛泊舟聽猿狖也晚泊馬肝峽口兩山對
立修聳摩天略如廬山江岸多石百丈縈絆

極難過夜小雨

十二日早過東湍灘入馬肝峽石壁高絕處有石下垂如肝故以名峽其傍又有獅子巖巖中有一小石蹲踞張頤碧草被之正如一青獅子微泉泠泠自巖中出舟行急不能取嘗當亦住泉也溪上又有一峰孤起秀麗略如小孤山晚抵新灘登岸宿新安驛夜雪

十三日舟上新灘由南岸上及十七八船底爲

渭南文集

卷四十八

汲古閣

石所損急遣人往拯之僅不至沉然銳石穿船底牢不可動蓋舟人載陶器多所致新灘兩岸南曰官漕

平聲

北曰龍門龍門水尤湍急

多暗石官漕差可行然亦多銳石故爲峽中最險處非輕舟無一物不可上下舟人冒利以至此可爲戒云遊江瀆北廟廟正臨龍門其下石罅中有溫泉淺而不涸一村賴之婦人汲水皆背負一全木盎長二尺下有三星

至泉旁以杓挹水及八分卽倒坐旁石束盎
背上而去大抵峽中負物率著背又多婦人
不獨水也有婦人負酒賣亦如負水狀呼買
之長跪以獻未嫁者率爲同心髻高二尺插
銀釵至六隻後挿大象牙梳如手大

十四日畱驛中晚以小舟渡江南登山至江濱
南廟新修未畢有一碑前進士曾華旦撰言
因山崩石壅成此灘害舟不可計於是著令

渭南文集

卷四十八
九

汲古閣

自十月至二月禁行舟知歸州尚書都官員
外郎趙誠聞於朝疏鑿之用工八十日而灘
害始去皇祐三年也蓋江絕於天聖中至是
而復通然灘害至今未能悉去若堯十二月
正月水落石盡出時亦可併力盡鑿去銳石
然灘上居民皆利於敗舟賤賣板木及滯畱
買賣必搖沮此役不則賂石工以爲石不可
去須斷以必行乃可成又舟之所以敗皆失

於重載當以大字刻石置驛前則過者必自
懲創二者皆不可不講當以告當路者

十五日舟人盡出所載始能挽舟過灘然須修
治遂易舟離新灘過白狗峽泊舟與山口肩
輿遊玉虛洞去江岸五里許隔一溪所謂香
溪也源出昭君村水味美錄於水晶色碧如
黛呼小舟以渡過溪又里餘洞門小纔袤丈
既入則極大可容數百人宏敞壯麗如入大

渭南文集

卷四十八

汲古閣

宮殿中有石成幢蓋旛旗芝草竹笋仙人龍
虎鳥獸之屬千狀萬態莫不逼真其絕異者
東石正圓如日西石半規如月予平生所見
巖竇無能及者有熙寧中謝師厚岑巖起題
名又有陳堯咨所作記敘此洞本末云唐天
寶中獵者始得之比歸已夜風急不可秉燭
炬然月明如晝兒曹與全師皆杖策相從殊
不覺崖谷之險也

十六日到歸州見知州右奉議郎賈選子公通
判左朝奉郎陳端彥民瞻館於報恩光孝寺
距城一里許蕭然無僧歸之爲州纔三四百
家負臥牛山臨江州前卽人鮓壩城中無尺
寸平土灘聲常如暴風雨至隔江有楚王城
亦山谷間然地比歸州差平或云楚始封於
此山海經夏啓封孟除於丹陽城郭璞註云
在秭歸縣南疑卽此也然史記成王封熊繹
渭南文集

卷四十八
十一

汲古閣

於丹陽裴駟乃云在枝江未詳孰是

十七日郡集於望洋堂玩芳亭亦皆沙石犖确
之地賈守云州倉歲收秋夏二料麥粟杭米
共五千餘石僅比吳中一下戶耳

十八日初得艤船羗小然底濶而輕於上灘爲
便

十九日郡集於歸鄉堂欲以是晚行不果訪宋
玉宅在秭歸縣之東今爲酒家舊有石刻宋

玉宅三字近以郡人避太守家諱去之或遂
由此失傳可惜也

二十日早離歸州出巫峰門過天慶觀少畱觀
唐天寶元年碑載剛皇夢老子事巴東太守
劉瑫所立字畫頗清逸碑側題當時郡官吏
胥姓名字亦佳又有周顯德中荆南判官孫
光憲爲知歸州高從讓所立碑從讓蓋南平
王家子弟光憲亦知名國史有事迹蓋五代
渭南文集

卷四十八
十二

汲古閣

時歸峽皆隸荆渚也殿前有柏數百年物觀
下卽吒灘亂石無數飯於靈泉寺遂登舟過
業灘亦名灘也水落舟輕俄頃遂過

二十一日舟中望石門關僅通一人行天下至
險也晚泊巴東縣江山雄麗大勝秭歸但井
邑極於蕭條邑中纔百餘戶自令解而下皆
茅茨了無片瓦權縣事秭歸尉右迪功郎王
康年尉兼主簿右迪功郎杜德先來皆蜀人

也謁寇萊公祠堂登秋風亭下臨江山是日
重陰微雪天氣颼飄復觀亭名使人悵然始
有流落天涯之歎遂登雙柏堂白雲亭堂下
舊有萊公所植柏今已槁死然南山重複秀
麗可愛白雲亭則天下幽奇絕境羣山環擁
層出間見古木森然往往二三十年物欄外
雙瀑瀉石澗中跳珠濺玉冷入人骨其下是
爲慈溪犇流與江會予自吳入楚行五千餘
里過十五州亭榭之勝無如白雲者而止在
縣解聽事之後巴東了無一事爲令者可以
寢飯於亭中其樂無涯而闕令動輒二三年
無肯補者何哉

渭南文集

卷四十八
十三

汲古閣

二十二日發巴東山益奇怪有夫子洞者一竇
在峭壁絕高處人迹所不可至然髣髴若有
欄楯不知所謂夫子者何也過三分泉自山
竇中出止兩派俗云三派有年兩派中熟一

派或絕流饑饉泊疲石夜雨

二十三日過巫山凝真觀謁妙用真人祠真人
卽世所謂巫山神女也祠正對巫山峰巒上
入霄漢山腳直挿江中議者謂太華衡廬皆
無此奇然十二峯者不可悉見所見八九峯
惟神女峯最爲纖麗奇峭宜爲仙真所託祝
史云每八月十五夜月明時有絲竹之音往
來峰頂山猿皆鳴達旦方漸止廟後山半有

渭南文集

卷四十八
十四

汲古閣

石壇平曠傳云夏禹見神女授符書於此壇
上觀十二峰宛如屏障是曰天宇晴霽四顧
無纖翳惟神女峰上有白雲數片如鸞鶴翔
舞裴徊久之不散亦可異也祠舊有鳥數百
送迎客舟自唐夔州刺史李貽詩已云羣鳥
幸胙餘矣近乾道元年忽不至今絕無一鳥
不知其故泊清水洞洞極深後門自山後出
但黥闇水流其中鮮能入者歲旱祈雨頗應

權知巫山縣左文林郎冉徽之尉右迪功郎
文庶幾來

二十四日早抵巫山縣在峽中亦壯縣也市井
勝歸峽二郡隔江南陵山極高大有路如綫
盤屈至絕頂謂之一百八盤蓋施州正路黃
魯直詩云一百八盤攜手上至今歸夢繞半
腸卽謂此也縣解有故鐵盆底銳似半甕狀
極堅厚銘在其中蓋漢永平中物也缺處鐵

渭南文集

卷四十八
十五

汲古閣

色光黑如佳漆字畫淳質可愛玩有石刻魯
直作盆記大略言建中靖國元年予弟叔向
嗣直自涪陵尉攝縣事予起戎州來寓縣解
此盆舊以種蓮余洗滌乃見字云遊楚故離
宮俗謂之細腰宮有一池亦當時宮中燕遊
之地今湮沒略盡矣三面皆荒山南望江山
奇麗又有將軍墓東晉人也一碑在墓後跌
陷入地碑傾前欲壓字纔半存

二十五日晡後至大谿口泊舟出美梨大如升
二十六日發大谿口入瞿唐峽兩壁對聳上入
霄漢其平如削成仰視天如足練然水已落
峽中平如油盜過聖姥泉蓋石上一罅人大
呼於旁則泉出屢呼則屢出可怪也晚至瞿
唐關唐故夔州與白帝城相連杜詩云白帝
夔州各異城蓋言難辨也關西門正對灩澦
堆堆碎石積成出水數十丈土人云方夏秋
渭南文集

卷四十八
十六

汲古閣

水漲時水又高於堆數十丈肩輿入關謁白
帝廟氣象甚古松柏皆數百年物有數碑皆
孟蜀時所立庭中石筍有黃魯直建中靖國
元年題字又有越公堂隋楊素所創少陵爲
賦詩者已毀今堂近歲所築亦甚宏壯自關
而東卽東屯少陵故居也

二十七日早至夔州州在山麓沙上所謂魚復
永安宮也宮今爲州倉而州治在宮西北廿

夫人墓西南景德中轉運使丁謂薛顏所徙
比白帝頗平曠然失關險無復形勢在灤之
西故一曰灤西土人謂山間之流通江者曰
灤云州東南有八陣磧孔明之遺迹碎石行
列如引繩每歲江漲磧上水數十丈比退陣
石如故

渭南文集

卷四十八
十七

汲古閣



西楚一曰灤西土人謂山間之流通江者曰
灤云州東南有八陣磧孔明之遺迹碎石行
列如引繩每歲江漲磧上水數十丈比退陣
石如故
夫人墓西南景德中轉運使丁謂薛顏所徙

渭南文集目錄

卷第四十九

赤壁詞

首

浣沙溪

首二

青玉案

水調歌頭

浪淘沙

定風波

南鄉子

首二

滿江紅

首二

感皇恩

首二

好事近

首十一

鷓鴣天

首七

驀山溪

首二

渭南文集

卷四九目

汲古閣

木蘭花

朝中措梅

首三

臨江仙

蝶戀花

首三

釵頭鳳

清商怨

水龍吟

秋波媚

首二

采桑子

卜算子

沁園春

首三

憶秦娥

漢宮春

首二

月上海棠

首二

烏夜啼

首八

眞珠簾

好事近 卷四十八 目錄

渭南文集

卷四十九
二

汲古閣



渭南文集卷第四十九目錄 終

渭南文集卷第四十九

赤壁詞

招韓無咎
遊金山

禁門鐘曉憶君來朝路初翔鸞鵠西府中臺推
獨步行對金蓮宮燭感繡華鞞葩寶帶看卽
飛騰速人生難料一尊此地相屬回首紫陌
青門西湖閑院鎖千梢脩竹素壁棲鴉應好在
殘夢不堪重續歲月驚心功名看鏡短鬢無多
綠一歡休惜與君同醉浮玉

渭南文集

卷四十九

汲古閣

浣沙溪

和無
咎韻

嬾向沙頭醉玉瓶喚君同賞小窗明夕陽吹角
最關情忙日苦多閑日少新愁常續舊愁生
客中無伴怕君行

又

南鄭
席上

浴罷華清第二湯紅綿撲粉玉肌涼娉婷初試
藕絲裳鳳尺裁成猩血色螭奩熏透麝臍香
水亭幽處捧霞觴

青玉案

真朱景參
會北嶺

西風挾雨聲翻浪
恰洗盡黃茆瘴
老慣人間齊
得喪千巖高臥五湖歸棹替却凌煙像

故人小駐平戎帳
白羽腰間氣何壯
我老漁樵
君將相小槽紅酒晚香丹荔記取蠻江上

水調歌頭

多景樓

江左占形勝
最數古徐州
連山如畫佳處縹渺
著危樓鼓角臨風悲壯烽火連空
剛滅往事憶
渭南文集

卷四十九

汲古閣

孫劉千里曜戈甲
萬竈宿貔貅
露霑草風落
木歲方秋使君宏放談笑洗盡古今愁
不見襄陽登覽磨滅遊人無數遺恨黯難收
叔子獨千載名與漢江流

浪淘沙

丹陽浮玉亭席上作

綠樹暗長亭
幾把離尊
陽關常恨不堪聞
何況今朝秋色裏
身是行人
清淚浥羅巾
各自消

魂一江離恨恰平分
安得千尋橫鐵鎖
截斷煙

津

定風波

進賢道上見
梅贈王伯壽

歌唱巫鞭送客回小橋流水一枝梅衰病逢春
都不記誰謂幽香却解逐人來安得身閑頻
置酒攜手與君看到十分開少壯相從今雪鬢
因甚流年羈恨兩相催

南鄉子

歸夢寄吳檣水驛江程去路長想見芳洲初繫
渭南文集

卷四十九
三

汲古閣

纜斜陽煙樹參差認武昌愁鬢點新霜曾是
朝衣染御香重到故鄉交舊少淒涼却恐它鄉
勝故鄉

又

早歲入皇州罇酒相逢盡勝流三十年來真一
夢堪愁客路蕭蕭兩鬢秋蓬嶠偶重遊不待
人嘲我自羞看鏡倚樓俱已矣扁舟月笛煙蓑

萬事休

滿江紅

危堞朱欄登覽處一江秋色人正似征鴻社燕
幾番輕別繾綣難忘當日語淒涼又作它鄉客
問鬢邊都有幾多絲真堪織楊柳院秋千陌
無限事成虛擲如今何處也夢魂難覓金鴨微
溫香縹緲錦茵初展情蕭瑟料也應紅淚伴秋
霖燈前滴

又

夔州催王伯禮
侍御尋梅之集

渭南文集

卷四十九
四

汲古閣

疎蕊幽香禁不過晚寒愁絕那更是巴東江上
楚山千疊欹帽閑尋西瀼路鞞鞭笑向南枝說
恐使君歸去上蠻坡孤風月清鏡裏悲華髮
山驛外溪橋側悽然回首處鳳凰城闕顛顛如
今誰領略飄零已是無顏色問行厨何日喚賓
僚猶堪折

感皇恩

伯禮立春
生日

春色到人間綵旛初戴正好春盤細生菜一般

日月只有僊家偏耐雪霜從點鬢朱顏在 溫
詔鼎來延英催對鳳閣鸞臺看除拜對衣裁穩
恰稱毬紋新帶箇時方旋了功名債

又

小閣倚秋空下臨江渚漠漠孤雲未成雨數聲
新雁回首杜陵何處壯心空萬里人誰許 黃
閣紫樞築壇開府莫怕功名欠人做如今熟計
只有故鄉歸路石帆山脚下菱三畝

渭南文集

卷四十九

汲古閣

好事近

寄張真甫

羈雁未成歸腸斷寶箏零落那更凍醪無力似
故人情薄 瘴雲蠻雨暗孤城身在楚山角煩
問劔南消息怕還成疎索

又

風露九霄寒侍宴玉華宮闕親向紫皇香案見
金芝千葉 碧壺仙露醞初成香味兩奇絕醉
後却騎丹鳳看蓬萊春色

又次宇文
卷目韻

客路苦思歸愁似鬢絲千緒夢裏鏡湖煙雨看
山無重數尊前消盡少年狂慵着送春語花
落燕飛庭戶歎年光如許

又

歲晚喜東歸掃盡市朝陳迹揀得亂山環處釣
一潭澄碧賣魚沽酒醉還醒心事付橫笛家
在萬重雲外有沙鷗相識

渭南文集

卷四十九
六

汲古閣

又

華表又千年誰記駕雲孤鶴回首舊曾遊處但
山川城郭紛紛車馬滿人間塵土汗芒屨且
訪葛仙丹井看巖花開落

又

揮袖別人間飛躡峭崖蒼壁尋見古僊丹竈有
白雲成積心如潭水靜無風一坐數千息夜
半忽驚奇事看鯨波噉日

又

溢口放船歸薄暮散花洲宿兩岸白蘋紅蓼暎
一蓑新綠有沽酒處便爲家菱芡四時足
日又乘風去任江南江北

又

登梅仙山
絕頂望海

揮袖上西峰孤絕去天無尺拄杖下臨鯨海數
煙颿歷歷貪看雲氣舞青鸞歸路已將夕多
謝半山松吹解慙慙畱客

渭南文集

卷四十九
七

汲古閣

又

小倦帶餘醒澹澹數櫺斜日驅退睡魔十萬有
雙龍蒼壁少年真笑老人衰風味似平簪扶
杖凍雲深處探溪梅消息

又

覓箇有緣人分付玉壺靈藥誰向市塵深處識
遼天孤鶴月中吹笛下巴陵條華赴前約今
古廢興何限歎山川如昨

又

平旦出秦關雪色駕車雙鹿借問此行安往賞
清伊脩竹 漢家宮殿劫灰中春草幾回綠君
看變遷如許況紛紛榮辱

又

秋曉上蓮峯高躡倚天青壁誰與放翁爲伴有
天壇輕策 鏗然忽變赤龍飛雷雨四山黑談
笑做成豐歲笑禪龕柳栗

渭南文集

卷四十九
入

汲古閣

鷓鴣天

送葉
夢錫

家住東吳近帝鄉平生豪舉少年場十千沽酒
青樓上百萬呼盧錦瑟傍 身易老恨難忘尊
前贏得是淒涼君歸爲報京華舊一事無成兩
鬢霜

又

葭萌
驛作

看盡巴山看蜀山子規江上過春殘慣眠古驛
常安枕熟聽陽關不慘顏 慵服氣懶燒丹不

妨青鬢戲人間祕傳一字神仙訣說與君知只
是頑

又

梳髮金盤剩一窩画眉鸞鏡暈雙蛾人間何處
無春到只有伊家獨占多 微步處奈嬌何春
衫初換麴塵羅東鄰鬪草歸來晚忘却新傳子
夜歌

又

渭南文集

卷四十九
九

汲古閣

家住蒼煙落照間絲毫塵事不相關斟殘玉瀝
行穿竹卷罷黃庭卧看山 貪嘯傲任衰殘不
妨隨處一開顏元知造物心腸別老却英雄似
等閑

又

挿脚紅塵已是顛更求平地上青天新來有箇
生涯別買斷煙波不用錢 沽酒市採菱船醉
聽風雨擁蓑眠三山老子真堪笑見事遲來四

十年

又

懶向青門學種瓜，只將漁釣送年華。
雙雙新燕飛春岸，片片輕鷗落晚沙。
歌縹緲，嘔啞酒如清露，鮮如花。
逢人問道歸何處，笑指船兒此是家。

又

薛公肅家
席上作

南浦舟中兩玉人，誰知重見楚江濱。
憑教後苑涇南文集，
卷四十九
汲古閣

紅牙版引上西川，綠錦茵纔淺笑却輕頰。
淡黃楊柳又催春，情知言語難傳恨，不似琵琶道得真。

驀山溪

送伯禮

元戎十乘出次高唐館，歸去舊鷓行更何人齊。
飛霄漢，瞿唐水落，惟是淚波深，催疊鼓起牙檣。
難鎖長江斷，春深鼉禁紅日宮，輒暖何處望。
音塵黯消魂，層城飛觀，人情見慣，不敢恨相忘。

梅驛外蓼灘邊只待除書看

又

遊三榮
龍洞

窮山孤壘臘盡春初破寂寥掩空齋好一箇無
聊底我嘯臺龍岫隨分有雲山臨淺瀨陰長松
閑據胡床坐 二盃徑醉不覺紗巾墮畫角喚
人歸落梅村籃輿夜過城門漸近幾點妓衣紅
官驛外酒壚前也有閑燈火

木蘭花

立春
日作

渭南文集

卷四十九
十一

汲古閣

三年流落巴山道破盡青衫塵滿帽身如西瀼
渡頭雲愁抵瞿唐關上草 春盤春酒年年好
試戴銀旛判醉倒今朝一歲大家添不是人間
偏我老

朝中措

梅

幽姿不入少年場無語只淒涼一箇飄零身世
十分冷淡心腸 江頭月底新詩舊夢孤恨清
香任是春風不管也曾先識東皇

又代譚得稱作

怕歌愁舞嬾逢迎
粧晚託春醒
總是向人深處
當時枉道無情
關心近日啼紅
密訴剪綠深
盟杏館花陰
恨淺画堂銀燭
嫌明

又

鏖鏖難鼓餞
流年燭焰動金船
綵燕難尋前夢
酥花空點春妍
文園謝病蘭成久
旅回首凄然
明月梅山笛
夜和風禹廟
鷺天

渭南文集

卷四十九十一

汲古閣

臨江仙

離果州作

鳩雨催成新綠
燕泥收盡殘紅
春光還與美人同
論心空眷眷
分袂却匆匆
只道真情易寫
那知怨句難工
水流雲散各西東
半廊花院月
一帽柳橋風

蝶戀花

離小益作

陌上簫聲寒
食近雨過園林
花氣浮芳潤千里
斜陽鍾欲暝
憑高望斷南樓信
海角天涯行

略盡三十年間無處無遺恨天若有情終欲問
忍教霜點相思鬢

又

桐葉晨飄蛩夜語旅思秋光黯黯長安路忽記
橫戈盤馬處散關清渭應如故 江海輕舟今
已具一卷兵書歎息無人付早信此生終不遇
當年悔草長楊賦

又

渭南文集

卷四十九
十三

汲古閣

水漾萍根風卷絮倩笑嬌顰忍記逢迎處只有
夢魂能再遇堪嗟夢不由人做 夢若由人何
處去短帽輕衫夜夜睂州路不怕銀釭深繡戶
只愁風斷青衣渡

釵頭鳳

紅酥手黃縢酒滿城春色宮牆柳東風惡歡情
薄一懷愁緒幾年離索鐙鐙鐙 春如舊人空
瘦淚痕紅浥蛟綃透桃花落閑池閣山盟雖在

錦書難託莫莫

清商怨

葭萌驛作

江頭日暮痛飲乍雪晴猶凜山驛淒涼燈昏人
獨寢 鴛機新寄斷錦歎往事不堪重省夢破
南樓綠雲堆一枕

水龍吟

榮南作

樽前花底尋春處堪歎心情全減一身萍寄酒
徒雲散佳人天遠那更今年瘴煙蠻雨夜郎江
渭南文集

卷四十九十四

汲古閣

畔漫倚樓橫笛臨窗看鏡時揮涕驚流轉花
落月明庭院悄無言魂消腸斷憑肩攜手當時
曾效畫梁栖燕見說新來網縈塵暗舞衫歌扇
料也羞顛顚慵行芳徑怕啼鴛見

秋波媚

七月十六日晚登高興亭望長安南山

秋到邊城角聲哀烽火照高臺悲歌擊筑憑高
酌酒此興悠哉多情誰似南山月特地暮雲

開灞橋煙柳曲江池館應待人來

又

曾散天花蕊珠宮一念墮塵中鉛華洗盡珠璣
不御道骨仙風東遊我醉騎鯨去君駕素鸞
從垂虹看月天台采藥更與誰同

采桑子

寶釵樓上粧梳晚嬾上鞦韆閑撥沉煙金縷衣
寬睡髻偏鱗鴻不寄遼東信又是經年彈淚
花前愁入春風十四絃

渭南文集

卷四十九
十五

汲古閣

卜算子

梅詠

驛外斷橋邊寂寞開無主已是黃昏獨自愁更
著風和雨無意苦爭春一任羣芳妬零落成
泥碾作塵只有香如故

沁園春

三榮橫谿
閣小宴

粉破梅梢綠動萱叢春意已深漸珠簾低卷筇
枝微步冰開躍鯉林暖鳴禽荔子扶疎竹枝哀
怨濁酒一尊和淚斟憑欄久歎山川冉冉歲月

駸駸 當時豈料如今漫一事無成霜鬢侵看
故人強半沙堤黃閣魚懸帶玉貂映蟬金許國
雖堅朝天無路萬里淒涼誰寄音東風裏有灞
橋煙柳知我歸心

又

一別秦樓轉眼新春又近放燈憶盈盈倩笑纖
纖柔握玉香花語雪暖酥凝念遠愁腸傷春病
思自怪平生殊未曾君知否漸香消蜀錦淚漬

渭南文集

卷四十九
十一

汲古閣

吳綾 難求繫日長繩況倦客飄零少舊朋但
江郊雁起漁村笛怨寒缸委燼孤硯生冰水繞
山圍煙昏雲慘縱有高臺常怯登消魂處是魚
牋不到蘭夢無憑

又

孤鶴歸飛再過遼天換盡舊人念纍纍枯塚茫
茫夢境王侯螻螻畢竟成塵載酒園林尋花巷
陌當日何曾輕負春流年改歎圍腰帶剩點鬢

霜新 交親散落如雲又豈料如今餘此身幸
眼明身健茶甘飯軟非惟我老更有人貧躲盡
危機消殘壯志短艇湖中閑采蓴吾何恨有漁
翁共醉谿友爲隣

憶秦娥

玉花驄晚街金轡聲
琤琮聲琤琮閑欵烏帽又
過城東 富春巷陌花重重
千金沽酒酬春風
酬春風
笙歌圍裏錦繡叢中

渭南文集

卷四十九
十七

汲古閣

漢宮春

張園賞海棠作圖
故蜀燕王宮也

浪迹人間喜聞猿楚峽學劔秦川虛舟汎然不
繫萬里江天朱顏綠鬢作紅塵無事神仙何妨
在鷲花海裏行歌閑送流年 休笑放慵狂眼
看閑坊深院多少嬋娟燕宮海棠夜宴花覆金
船如椽画燭酒闌時百炬吹煙憑寄語京華舊
侶幅巾莫換貂蟬

又

初自南鄭
來成都作

羽箭離弓憶呼鷹古壘截虎平川吹笳莫歸壘
帳雪壓青氈淋漓醉墨看龍蛇飛落蠻牋人誤
許詩情將略一時才氣超然 何事又作南來
看重陽藥市元夕燈山花時萬人樂處欹帽垂
鞭聞歌感舊尙時時流涕尊前君記取封侯事
在功名不信由天

月上海棠 成都城南有蜀王舊苑
多梅皆二百餘年古木

斜陽廢苑朱門閉吊興亡遺恨淚痕裏淡淡宮

渭南文集 卷四十九
十八 汲古閣

梅也依然點酥剪水凝愁處似憶宣華舊事

行人別有淒涼意折幽香誰與寄千里佇立江

臯杳難逢隴頭歸騎音塵遠楚天危樓獨倚 宣華

故蜀
苑名

又

蘭房繡戶厭厭病歎春醒和悶甚時醒燕子空

歸幾曾傳玉關邊信傷心處獨展團窠瑞錦

熏籠消歇沉煙冷淚痕深展轉看花影漫擁餘

香怎禁他峭寒孤枕西窗曉幾聲銀瓶玉井

烏夜啼

金鴨餘香尚煖綠窗斜日偏明蘭膏香染雲鬢
膩釵墜滑無聲冷落鞦韆伴侶闌珊打馬心
情繡屏驚斷瀟湘夢花外一聲鶯

又

簷角楠陰轉日樓前荔子吹花鷓鴣聲裏霜天
晚疊鼓已催衙鄉夢時來枕上京書不到天

渭南文集

卷四十九
十九

汲古閣

涯邦人訟少文移省閑院自煎茶

又

我按丹臺玉字君書蓋殿雲篇錦官城裏重相
遇心事兩依然攜酒何妨處處尋梅共約年
年細思上界多官府且作地行僊

又

世事從來慣見吾生更欲何之鏡湖西畔秋千
頃鷗鷺莫忘機一枕蘋風午醉二升菰米晨

炊故人莫訝音書絕釣侶是新知

又

素意幽棲物外塵緣浪走天涯歸來猶幸身強
健隨分作山家 已趁餘寒泥酒還乘小雨移
花柴門盡日無人到一徑傍谿斜

又

園館青林翠樾衣巾細葛輕紈好風吹散霏微
雨沙路喜新乾 小燕雙飛水際流鶯百轉林

渭南文集

卷四十九
二十一

汲古閣

端投壺聲斷彈碁罷閑展道書看

又

從宦元知漫浪還家更覺清真蘭亭道上多脩
竹隨處岸綸巾 泉冽偏宜雪茗杭香雅稱絲
尊儵然一飽西窗下天地有閑人

又

紈扇嬋娟素月紗巾縹渺輕煙高槐葉長陰初
合清潤雨餘天 弄筆斜行小草鈎簾淺醉閑

眠更無一點塵埃到枕上聽新蟬

真珠簾

山村水館參差路感羈遊正似殘春風絮掠地
穿簾知是竟歸何處鏡裏新霜空自憫問幾時
鸞臺鰲署遲莛謾憑高懷遠書空獨語 自古
儒冠多誤悔當年早不扁舟歸去醉下白蘋洲
看夕陽鷗鷺菰菜鱸魚都棄了只換得青衫塵
土休顧早收身江上一蓑煙雨

渭南文集

卷四十九
二十一

汲古閣

好事近

混迹寄人間夜夜画樓銀燭誰見五雲丹竈養
黃芽初熟 春風歸從紫皇遊東海宴暘谷進
罷碧桃花賦賜玉塵千斛

渭南文集卷第四十九

渭南文集目錄

卷第五十

柳梢青首二

夜遊宮首二

安公子

玉蝴蝶

木蘭花慢

蘇武慢

齊天樂首二

望梅

洞庭春色

漁家傲

繡停針

桃園憶故人首五

渭南文集

卷五十一

汲古閣

極相思

一叢花首二

隔浦蓮近拍首二

昭君怨

雙頭蓮

南歌子

豆葉黃首二

醉落魄

鵲橋仙首三

長相思首五

菩薩蠻首二

訴衷情首二

生查子首二

破陣子首二

上西樓

點絳脣

謝池春

首二

一落索

首二

杏花天

太平時

戀繡衾

首二

風入松

眞珠簾

風流子

雙頭蓮

鷓鴣天

蝶戀花

渭南文集

卷五十目
二

汲古閣

渭南文集卷第五十

柳梢青

故蜀燕王宮海棠之盛
為成都第一今屬張氏

錦里繁華環宮故邸
疊萼奇花俊客妖姬爭飛
金勒齊駐香車
何須幙障帷遮
寶盃浸紅雲
瑞霞銀燭光中
清歌聲裏休恨天涯

又

乙巳二月
西興贈別

十載江湖行歌沽酒不到京華
底事翩然長亭
煙草衰鬢風沙
憑高目斷天涯
細雨外樓臺
渭南文集
卷之五十
汲古閣

萬家只恐明朝一時不見人共梅花

夜遊宮

記夢寄
師伯渾

雪曉清笳亂起
夢遊處不知何地
鐵騎無聲望
似水想關河雁門西
青海際
睡覺寒燈裏漏
聲斷月斜窗紙自許封侯
在萬里有誰知鬢雖
殘心未死

又

宮
詞

獨夜寒侵翠被
奈幽夢不成
還起欲寫新愁淚

灑紙憶承恩，歎餘生今至此。
軟軟燈花墜，問此際報人何事。
只尺長門過萬里，恨君心似危欄難久倚。

安公子

風雨初經社，子規聲裏春光謝。
最是無情零落盡，薔薇一架，況我今年顛。
頽幽窗下人盡怪，詩酒消聲價。
向藥爐經卷，忘却鸞窗柳榭。
萬事收心也，粉痕猶在香羅帕。
恨月愁花爭信道，如渭南文集

卷之五十一

汲古閣

今都罷空憶前身，便面章臺馬，因自來禁得心腸。
怕縱遇歌逢酒，但說京都舊話。

玉蝴蝶

王忠州家席上作

倦客平生行處，墜鞭京洛，解佩瀟湘。
此夕何年，來賦宋玉高唐。
繡簾開香塵乍起，蓮步穩銀燭分行。
暗端相，燕羞鶯妬，蝶擾蜂忙。
難忘芳樽頻勸，峭寒新退，玉漏猶長。
幾許幽情，只愁歌罷月侵廊。
欲歸時，司空笑問，微近處，丞相嗔狂斷。

人腸假饒相送上馬何妨

木蘭花慢

夜登青城
山玉華樓

閱邯鄲夢境歎綠鬢早霜侵奈華岳燒丹青谿
看鶴尚負初心年來向濁世裏悟真詮祕訣絕
幽溪養就金芝九畹種成琪樹千林 星壇夜
學步虛吟露冷透瑶簪對翠鳳披雲青鸞遡月
宮闕蕭森琅函一封奏罷自鈞天帝所有知音
却過蓬壺嘯傲世間歲月駸駸

渭南文集

卷之五十
三

汲古閣

蘇武慢

唐西
安湖

澹靄空濛輕陰清潤綺陌細塵初靜平橋繫馬
畫閣移舟湖水倒空如鏡掠岸飛花傍簷新燕
都似學人無定歎連年戎帳經春邊壘暗凋顏
鬢 空記憶杜曲池臺新豐歌管怎得故人音
信羈懷易感老伴無多談麈久閑犀柄惟有脩
然筆床茶竈自適筍輿煙艇待綠荷遮岸紅蕖

浮水更棄幽興

齊天樂

左綿道中

角殘鐘晚關山路行人乍依孤店塞月征塵鞭
絲帽影常把流年虛占藏鴉柳暗歎輕負鶯花
謾勞書劒事往關情悄然頻動壯遊念孤懷
誰與強遣市壚沽酒酒薄怎當愁釀倚瑟妍詞
調鉛妙筆那寫柔情芳豔征途自厭沉煙斂蕪
痕雨稀萍點最是眠時枕寒門半掩

又

三榮人日遊龍洞作

渭南文集

卷之五十四

汲古閣

客中隨處閑消悶來尋嘯臺龍岫路斂春泥山
開翠霧行樂年年依舊天工妙手放輕綠萱牙
淡黃楊柳笑問東君爲人能染鬢絲否西州
催去近也帽簷風軟且看市樓沽酒宛轉巴歌
淒涼塞管攜客何妨頻奏征塵暗袖漫禁得梅
花伴人疎瘦幾日東歸畫船平放溜

望梅

壽非金石恨天教老向水程山驛似夢裏來到

南柯這些子光陰更堪輕擲戍火邊塵又過了
一年春色歎名姬駿馬盡付杜陵苑路豪客

長繩漫勞繫日看人間俛仰俱是陳迹縱自倚
英氣凌雲奈回盡鵬程鍛殘鸞翮終日憑高悄
不見江東消息算沙邊也有斷鴻倩誰問得

洞庭春色

壯歲文章算年勲業自咎誤人算英雄成敗軒
裳得失難如人意空喪天真請看邯鄲當日夢

渭南文集

卷之五十五

汲古閣

待炊罷黃梁徐欠伸方知道許多時富貴何處
關身 人間定無可意怎換得玉鱸絲蓴且釣
竿漁艇筆牀茶竈閑聽荷雨一洗衣塵洛水秦
關千古後尚棘暗銅駝空愴神何須更慕封侯
定遠圖像麒麟

漁家傲

寄仲高

東望山陰何處是往來一萬三千里寫得家書
空滿紙流清淚書回已是明年事 寄語紅橋

橋下水扁舟何日尋兄弟行徧天涯真老矣愁
無寐鬢絲幾縷茶煙裏

繡停針

歎半紀跨萬里秦吳頓覺衰謝回首鷓鴣行英俊
竝遊只尺玉堂金馬氣凌高華負壯略縱橫王
霸夢經洛浦梁園覺來淚流如瀉 山林定去
也却自恐說著少年時話靜院焚香閑倚素屏
今古總成虛假趁時婚嫁幸自有湖邊茅舍燕
渭南文集

卷之五十一

汲古閣

歸應笑客中又還過社

桃園憶故人

并序

三榮髫治之西因子城作樓觀曰高坐
下臨山村蕭然如世外余畱七十日被
命參成都戎幙而去臨行徙倚竟日作
桃源憶故人一首

斜陽寂歷柴門閉一點炊煙時起雞犬往來林
外俱有蕭然意 衰翁老去疎榮利絕愛山城

無事臨去画樓頻倚何日重來此

又

應霽道中

欄干幾曲高齋路正在重雲深處丹碧未乾人
去高棟空畱句 離離芳草長亭莫無奈征車
不住惟有斷鴻煙渚知我頻回顧

又

一彈指頃浮生過墮甌元知當破去去醉吟高
臥獨唱何須和 殘年還我從來我萬里江湖
渭南文集

卷之五十七

汲古閣

煙舸脫盡利名韉鎖世界元來大

又

城南載酒行歌路冶葉倡條無數一朶靨紅凝
露最是關心處 鷺聲無賴催春去那更兼旬
風雨試問歲華何許芳草連天暮

又

題華山圖

中原當日三川震關輔回頭煨燼淚盡兩河征
鎮日望中興運 秋風霜滿青青鬢老却新豐

英俊雲外華山千仞依舊無人問

極相思

江頭疎雨輕煙寒食落花天
翻紅墜素殘霞暗
錦一段凄然惆悵東君堪恨處也不念冷落
樽前那堪更看漫空相趁柳絮榆錢

一叢花

樽前凝佇漫魂迷猶恨負幽期從來不慣傷春
淚爲伊後滴滿羅衣那堪更是吹簫池館青子

渭南文集

卷之五十一

汲古閣

綠陰時回廊簾影晝參差偏共睡相宜朝雲
夢斷知何處倩雙燕說與相思從今判了十分
顛顚圖要箇人知

又

仙姝天上自無雙玉面翠蛾長黃庭讀罷心如
水閉朱戶愁近絲簧窗明几淨閑臨唐帖深炷
寶奩香人間無藥駐流光風雨又催涼相逢
共話清都舊歎塵劫生死茫茫何如伴我綠蓑

青窮秋晚釣瀟湘

隔浦蓮近拍

飛花如趁燕子直度簾櫳裏帳掩香雲暖金籠
鸚鵡驚起疑恨慵梳洗粧臺畔蘸粉纖纖指寶
釵墜才醒又困厭厭中酒滋味墻頭柳暗過
盡一年春事罨畫高樓怕獨倚千里孤舟何處
煙水

又

渭南文集

卷之五十九

汲古閣

騎鯨雲路倒景醉面風吹醒笑把浮丘袂寥然
非復塵境震澤秋萬頃煙霏散水面飛金鏡露
華冷湘妃睡起鬟傾釵墜慵整臨江舞處零
亂塞鴻清影河漢橫斜夜漏永人靜吹簫同過
緱嶺

昭君怨

晝永蟬聲庭院人倦懶搖團扇小景寫瀟湘自
生涼簾外蹴花雙燕簾下有人同見寶篆拆

宮黃炷熏香

雙頭蓮

呈范至能待制

華鬢星星驚壯志成虛此身如寄蕭條病驥向
暗裏消盡當年豪氣夢斷故國山川隔重重煙
水身萬里舊社凋零青門俊遊誰記 盡道錦
里繁華歎官閑晝永柴荆添睡清愁自醉念此
際付與何人心事縱有楚梅吳檣知何時東逝
空悵望鱸美菰香秋風又起

渭南文集

汲古閣

南歌子

送周機宜之益昌

卷之五十一

異縣相逢晚中年作別難算秋風雨客衣寒又
向朝天門外話悲歡 瘦馬行霜棧輕舟下雪
灘烏奴山下一林丹爲說三年常寄夢魂間

豆葉黃

春風樓上柳腰肢初試花前金縷衣嫋嫋娉娉
不自持曉粧遲畫得蛾眉勝舊時

又

一春常是雨和風
風雨晴時春已空
誰憺泥沙萬點紅
恨難窮恰似衰翁
一世中

醉落魄

江湖醉客投盃起舞遺烏憤
三更冷翠霑衣溼
嫋嫋菱歌催落半川月
空花昨夢休尋覓
雲臺麟閣俱陳迹
元來只有閑難得
青史功名天却無
心憺

鵲橋仙

渭南文集

卷之五十一

汲古閣

華燈縱博雕鞍馳射誰記
當年豪舉酒徒一一取封侯
獨去作江邊漁父
輕舟八尺低篷三扇占斷蘋洲
煙雨鏡湖元自屬閑人
又何必君恩賜與

又

一竿風月一蓑煙雨
家在釣臺西
住賣魚生怕近城門
況肯到紅塵深處
潮生理櫂潮平繫纜潮落浩歌歸去
時人鐙把比嚴光
我自是無

名漁父

又夜聞
杜鵑

茆簷人靜蓬窗燈暗春晚連江風雨林鷺巢燕
總無聲但月夜常啼杜宇 催成清淚驚殘孤
夢又揀深枝飛去故山猶自不堪聽況半世飄
然羈旅

長相思

雲千重水千重身在千重雲水中月明收釣筒
渭南文集

卷之五十一
十一

汲古閣

同
頭未童耳未聾得酒猶能雙臉紅一尊誰與

又

橋如虹水如空一葉飄然煙雨中天教稱放翁
側船篷使江風蟹舍參差漁市東到時聞葺

鐘

又

面蒼然鬢皤然滿腹詩書不直錢官閑常晝眠

畫凌煙上甘泉自古功名屬少年
知心惟杜鵑

又

葭山青葭霞明夢筆橋頭艇子橫
蘋風吹酒醒看潮生看潮平
小住西陵莫較程葭絲初可

烹

又

悟浮生厭浮名回視千鍾一髮輕
從今心太平

渭南文集

卷之五十一
十三

汲古閣

愛松聲愛泉聲寫向孤桐誰解聽
空江秋月

剛

菩薩蠻

江天淡碧雲如掃蘋花零落葭絲老
細細晚波平月從波面生
漁家真箇好悔不歸來早
經歲洛陽城鬢絲添幾莖

又

小院蠶眠春欲老新巢燕乳花如掃
幽夢錦城

西海棠如舊時 當年眞草草一權還吳早題
罷偕春詩鏡中添鬢絲

訴衷情

當年萬里覓封侯 疋馬戍梁州 關河夢斷何處
塵暗舊貂裘 胡未滅鬢先秋 淚空流 此生誰
料 心在天山 身老滄洲

又

青衫初入九重城 結友盡豪英 蠟封夜半傳檄
渭南文集

卷之五十一
十四

汲古閣

馳騎諭幽并 時易失志難成鬢絲生 平章風
月 彈壓江山 別是功名

生查子

還山荷主恩 聊試扶犁手 新結小茆茨 恰占清
江口 風塵不化衣 鄰曲常持酒 那似宦遊時
折盡長亭柳

又

梁空燕委巢 院靜鳩催雨 香潤上朝衣 客少閑

談塵鬢邊千縷絲不是吳蠶吐孤夢泛瀟湘
月落聞柔艣

破陣子

仕至千鍾良易年過七十常稀眼底榮華元是
夢身後聲名不自知營營端爲誰 幸有旗亭
沽酒何妨繭紙題詩幽谷雲蘿朝採藥靜院軒
窗夕對碁不歸真箇癡

又

渭南文集

卷之五十五

汲古閣

看破空花塵世放輕昨夢浮名蠟屐登山真率
飲筇杖穿林自在行身閑心太平 料峭餘寒
猶力廉纖細雨初晴苔紙閑題谿上句菱唱遙
聞煙外聲與君同醉醒

上西樓

一名相見歡

江頭綠暗紅稀燕交飛忽到當年行處恨依依
灑清淚歎人事與心違滿酌玉壺花露送春

歸

點絳脣

采藥歸來獨尋茆店沽新釀
暮煙千嶂處處聞漁唱
醉弄扁舟不怕黏天浪
江湖上遮回疎放
故作箇閑人樣

謝池春

壯歲從戎曾是氣吞殘虜陣
雲高狼烽夜舉朱顏青鬢
擁雕戈西戍笑儒冠自來多誤
功名夢斷却泛扁舟吳楚
漫悲歌傷懷弔古煙波無
渭南文集

卷之五十一
十六

汲古閣

際望秦關何處歎流年又成虛度

又

賀監湖邊初繫放翁歸棹
小園林時時醉倒春
眠驚起聽啼鶯催曉
歎功名誤人堪笑
朱橋翠徑不許京塵飛到
挂朝衣東歸欠早連宵風
雨捲殘紅如掃恨樽前送
春人老

又

七十衰翁不減少年豪氣似天山
淒涼病驥銅

馳荆棘灑臨風清淚甚情懷伴人兒戲 如今
何幸作箇故谿歸計鶴飛來晴嵐暎翠玉壺春
酒約羣僊同醉洞天寒露桃開未

一落索

滿路遊絲飛絮韶光將暮此時誰與說新愁有
百轉流鶯語 頰仰人間今古神仙何處花前
須判醉扶歸酒不到劉伶墓

又

渭南文集

卷之五十一
十七

汲古閣

識破浮生虛妄從人譏謗此身恰是弄潮兒會
過了千重浪 且喜歸來無恙一壺春釀雨蓑
煙笠傍漁磯應不是封侯相

杏花天

老來駒隙駉駉度算只合狂歌醉舞金盃到手
君休訴看著春光又暮 誰爲倩柳條繫住且
莫遣城笳催去殘紅轉眼無尋處盡屬蜂房燕

戶

太平時

竹裏房櫳一徑深
靜悄悄亂紅飛盡綠成陰
有鳴禽臨罷蘭亭無一事
自修琴銅爐裊裊海南沉
洗塵襟

戀繡衾

不惜貂裘換釣篷
嗟時人誰識放翁歸櫂借樵
風穩數聲聞林外
暮鐘幽棲莫笑蝸廬小有
雲山煙水萬重半世向丹青
看喜如今身在画
渭南文集

卷之五十一
十八

汲古閣

中

又

無方能駐臉上紅
笑浮生擾擾夢中平地是冲
霄路又何勞千日用功
飄然再過蓮峯下亂
雲深吹下算鐘訪舊隱
依然在但鶴巢時有墮
松

風入松

十年裘馬錦江濱
酒隱紅塵萬金選勝
鸞花海

倚疎狂驅使青春吹笛魚龍盡出題詩風月俱
新 自憐華髮滿紗巾猶是官身鳳樓常記當
年語問浮名何似身親欲寄吳牋說與這回真
箇閑人

眞珠簾

燈前月下嬉遊處向笙歌錦繡叢中相遇彼此
知名纔見便論心素淺黛嬌蟬風調別最動人
時時偷顧歸去想閑牕深院調絃促柱 樂府
渭南文集
卷之五十一
十九
汲古閣
初翻新譜漫栽紅點翠閑題金縷燕子入簾時
又一番春算側帽燕脂坡下過料也記前年崔
護休訴待從今須與好花爲主

風流子

一名內
家嬌

佳人多命薄初心慕德耀嫁梁鴻記綠窗睡起
靜吟閑詠句翻離合格變玲瓏更乘興素紈畱
戲墨纖玉撫孤桐蟾滴夜寒水浮微凍鳳牋春
麗花砑輕紅 人生誰能料堪悲處身落柳陌

花叢空羨画堂鸚鵡深閉金籠向寶鏡鸞釵臨粧常晚繡茵牙版催舞還慵腸斷市橋月笛燈院霜鐘

雙頭蓮

風卷征塵堪歎處青驄正搖金轡客襟貯淚漫萬點如血憑誰持寄佇想豔態幽情壓江南佳麗春正媚怎忍長亭匆匆頓分連理目斷淡日平蕪煙濃樹遠微茫如薺悲歡夢裏奈倦客渭南文集

卷之五十一
二十一

汲古閣

又是關河千里最苦唱徹驪歌重遲留無計何限事待與丁寧行時已醉

鷓鴣天

杖屨尋春苦未遲洛城櫻筍正當時三千里外歸初到五百年前事總知吹玉笛渡清伊相逢休問姓名誰小車處士深衣叟曾是天津共賦詩

蝶戀花

禹廟蘭亭今古路一夜清霜染盡湖邊樹鸚鵡
杯深君莫訴他時相遇知何處 冉冉年華留
不住鏡裏朱顏畢竟消磨去一句丁寧君記取
神僊須是閑人做



渭南文集

卷之五十一
二十一

汲古閣

